

# Hrabrost

Hrabrost je jedna od osnovnih vrlina. Hrabar čovjek se osjeća sposobnim i dovoljno je samopouzdan da riskira. Većina nas posjeduje više hrabrosti nego što možemo i da zamislimo. Naravno, svi smo različiti, zbog čega je neko ima više, a neko manje.

Za sebe smatram da nisam baš hrabra osoba u većini situacija. Plašim se da hodam po ivici. Plašim se visine i miševa. Plašim se zubara i buba. Nekada sam se bojala i mraka, ali taj strah sam nekako pobijedila, možda tako budem i ostale strahove. Možda sam još mlada i treba vremena da izgradim to svoje samopouzdanje.

Prebirem misli po svojoj glavi i pokušavam se sjetiti bar jednog trenutka kada sam ispala hrabra. Da li je stvarno da to nikada nije bilo ili samo umišljam? Vjerovatno, sam nekada i ispala hrabra, ali tek sada prestajem biti djevojčica i počinjem biti žena, što znači da sada vremenom moram postati. Čeka me puno izazova i stvari koje ovise o meni i u kojima se moram prikazati kao hrabra. Život žene nije lagan nikako. Zbog toga je meni najhrabrija osoba u životu –majka, prvenstveno jer je to osoba koja na svijet donosi novi život i zbog milion drugih razloga.

I dok slušam razne priče o hrabrosti, dok živim sa hrabrima, pitam se hoće li mene strah možda jednog dana navesi da učinim nešto hrabro. Pokušaću da zatvorim sve svoje strahove u tamnu sobu, zalupiću vrata za sobom, zaključati i neću se više osvrutati. Shvatiću tada... da, bila sam najplašljivija od svih i dok sam se prikazivala takvom da bih druge ohrabrila, postala sam sama hrabra.

Nađa, I G, Stolac

# Hrabrost

Hrabrost je jedna od osnovnih vrlina. Koliko god da je nešto teško, koliko god se to nama činilo nemogućim, kad si hrabar, sve je to moguće. Zahvaljujući osjećaju sposobnosti i samopouzdanju, spreman si čak riskirati, ma koliko god to bilo rizično i nemoguće. Kad si hrabar, ništa ti nije nemoguće i nedostižno. Bitna je volja i želja za tim nečim što želiš da postigneš. Istina je da nam i ta hrabrost ponekad može naštetiti u životu. Kako god, ako nešto ne probamo, kajat ćemo se čitav život zašto to nismo pokušali. Može to utjecati pozitivno, ali i negativno na naš život. Mnogi nisu dovoljno hrabri za neke stvari. Neki su hrabri samo na riječima. Djela su nabolji pokazatelj. Hrabrost je pobjeđivanje samog sebe. Svojih strahova. Uvijek ću pomoći svima, bilo to pravo ostalima ili ne. Izdvajam se po tome od ostalih. Hrabrost jeste stati na stranu onih kojih su odbačeni od ljudi, prijatelja. Znam da sam u manjini i opet rizikujem, jer svi smo mi ljudi od krvi i mesa. Ljude dijelim na dobre i loše, i nikako drugačije. Uvijek sam tu za sve, u bilo kojem trenutku dana i noći, iako znam koliko je to često rizično za neke osobe pa i događaje, ali idem protiv svojih strahova i pobjeđujem ih.

Hrabrost je danas suočiti se sa današnjim medijima. Kako nam samo mogu zabraniti da uživamo u zrakama Sunca koje poboljšava naše tijelo, organizam, daje nam nadu u bolje sutra? Suočavala sam se dosta puta sa hrabrošću. Nikada nisam osjetila tu negativnu stranu hrabrosti. Uvijek sam bila istrajna u svojim odlukama, ma koliko god one bile rizične svima i nemoguće. Mnogima se možda i ne činim tako hrabra, ali oni koji me barem malo bolje poznaju, znaju koliko to zapravo jesam i koliko sam spremna na sve. Kada niko nije stao uz jednu porodicu, kada su svi bili protiv njih, ja sam stala uz njih. I opet bih to učinila da treba. Mnogo volim tu osobinu kod sebe. Daje mi vjetar u leđa u gotovo svim situacijama. Zato budite hrabri i uradite ono što vi mislite da je bolje. Uradite neke stvari onako kako vi mislite da treba. Hrabrost je biti drugačiji od svih.

“Čovjek ne može da otkrije novi okean ako nema hrabrosti da izgubi obalu iz vida”

Salma, III G, Stolac